



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-231-5/26**
Datum: **11.06.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica „DMS“ d.o.o. Sarajevo, za donošenje rješenja o vodnoj dozvoli za ispuštanje oborinskih onečišćenih voda sa lokacije benzinske stanice sa pratećim sadržajima izgrađene u naselju Krivajevići, općina Ilijaš, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „DMS“ d.o.o. Sarajevo, daje se vodna dozvola za ispuštanje oborinskih onečišćenih voda sa lokacije benzinske stanice sa pratećim sadržajima, izgrađene u naselju Krivajevići, na zemljištu označenom kao k.č. broj: 592/2 upisanoj u K.O. Hadžići-Crna Rijeka, općina Ilijaš.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod sljedećim uslovima:
 - 3.1. Da pravno lice „DMS“ d.o.o. Sarajevo, obezbijedi da se sistem za prikupljanje, prečišćavanje i ispuštanje oborinskih onečišćenih voda kao i objekti izgrađeni u krugu benzinske stanice, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Čišćenje taložnika, separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne benzinske stanice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti u skladu sa članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 3.6. Skladištenje nafte i naftnih derivata vršiti u podzemnim dvoplašnim rezervoarima, sa primjenom sistema automatske dojava o procurenju međuplašnog prostora. Trenutno se koriste rezervoari ukupnog kapaciteta 100 m³.
 - 3.7. Skladištenje i pretakanje nafte i naftnih derivata vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.8. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.

- 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.11. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta, „DMS“ d.o.o. Sarajevo, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta bilo kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama, daje se sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „DMS“ d.o.o. Sarajevo, zahtjevom bez broja od 01.06.2026. godine se obratilo ovoj Agenciji za donošenje rješenja o vodnoj dozvoli za ispuštanje oborinskih onečišćenih voda sa benzinske stanice sa pratećim sadržajima, izgrađene u naselju Krivajevići, na zemljištu označenom kao k.č. broj: 592/2 upisane u K.O. Hadžići-Crna Rijeka, općina Ilijaš.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 065-0-Reg-25-004609 od 18.11.2025. godine izdato od Općinskog suda u Zenici - ovjerena kopija;
- Dokaz o uplaćenju upravnoj pristojbi,
- Rješenje o urbanističkoj saglasnosti broj: 03-23-4168/05 od 07.06.2006. godine izdato od strane Službe za prostorno uređenje i stambeno komunalne poslove-kopija,

- Rješenje o izmjeni rješenja o urbanističkoj saglasnosti broj: 03-23-4168/06-1 od 29.01.2007. godine izdato od strane Službe za prostorno uređenje i stambeno komunalne poslove-kopija,
- Rješenje o građevinskoj dozvoli broj: 03-23-3106/06 od 16.02.2007. godine izdato od strane Službe za prostorno uređenje i stambeno komunalne poslove-kopija,
- Rješenje o upotrebnoj dozvoli broj: 05-23-825/07 od 13.04.2007. godine izdato od strane Službe za prostorno uređenje i stambeno komunalne poslove-kopija,
- Rješenje o vodoprivrednoj saglasnosti broj: 07-06-25-9700/06 od 25.09.2006. godine izdato od strane Ministarstva privrede Kantona Sarajevo,
- Rješenje o vodoprivrednoj dozvoli broj: 07-06-25-2638/07 od 26.06.2007. godine izdato od strane Ministarstva privrede Kantona Sarajevo
- Uvjerjenje o izvršenom čišćenju rezervoara i separatora dana 30.10.2025. godine od strane Green Tank d.o.o. Gradiška,
- Izvještaj broj: 06/02/2026 o verifikaciji zapremine rezervoara urađen na zahtjev ERING d.o.o. Živinice-GIA BH za BS „DMS“ d.o.o. Sarajevo urađen od strane Zavoda za mjeriteljstvo.

B. Tehnička dokumentacija

- Glavni projekat benzinske stanice investitora Mehić Nurija - Krivajevići - Nišička visoravan, Ilijaš, urađen od strane NVB FAMILY Projekt & Management d.o.o. Derventa, april 2006 godine,
- Projekat benzinske stanice (dodatak glavnom projektu) urađen od strane NVB FAMILY Projekt & Management d.o.o. Derventa, april 2006 godine,
- Prilog zaštite od požara za benzinsku stanicu investitora Mehić Nurija urađen od strane Tešić d.o.o. Prnjavor avgust 2006 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-231-2/26 od 09.06.2026. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Predmetna benzinska stanica sa pratećim sadržajima se nalazi u naselju Krivajevići, na zemljištu označenom kao k.č. broj: 592/2 upisane u K.O. Hadžići-Crna Rijeka, općina Ilijaš.

Pravno lice „DMS“ d.o.o. Sarajevo nije ranije posjedovalo vodne akte izdate od ove Agencije.

Podnosilac zahtjeva je pribavio upotrebnu dozvolu za benzinsku stanicu 2007. godine. Benzinska stanica nije bila u upotrebi i tek nedavno je ista stavljena u rad.

U sklopu benzinske stanice nalaze se sljedeći sadržaji: administrativne prostorije sa sanitarnim čvorom, prodajni prostor, magacin, nadstrešnica za agregate za istakanje goriva, rezervoari za tečna goriva, separator masti i ulja, manipulativne površine i parking prostor.

Oborinske onečišćene vode koje mogu biti zagađene naftom i naftnim derivatima prikupljaju se putem slivnika i linijske rešetke, te kanalizacionim cijevima odvođe do separatora ulja i masti. Prečišćene vode preko okna za monitoring odvođe se u obodni kanal.

Za skladištenje nafte i naftnih derivata na lokaciji se nalaze ukopani dvoplašni rezervoari, zapremine $V=260 \text{ m}^3$ (2x50, 1x60, 1x100). Trenutno se koriste dva rezervoara po 50 m^3 , ukupne zapremine 100 m^3 .

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu

opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „DMS“ d.o.o. Sarajevo ispunio minimum uslova za izdavanje vodne dozvole za ispuštanje otpadnih voda sa lokacije benzinske stanice, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- „DMS“ d.o.o. Sarajevo, Jošanička do br. 13, 71320 Vogošća, Sarajevo (Prilog: Tehnička dokumentacija pod tačkom B. ovog rješenja)
- ☒ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo

Preuzeto lično
Mehić Nuriya
dana 15.06.2026
